



Chisambizgo Cha Wanikolayiti

*by*

Rev. William Marrion Branham



# Chisambizgo Cha Wanikolayiti

Chivumbuzi 2:15, “Ntheura na iwe wuwo uli nawo wanji awo wakukoreska chisambizgo cha Wanikolayiti, chinthu cheneicho nkchuchitinkha.”

Mukumbukirenge kuti nkchayowoyapo M’muwiro wa Efeso kuti lizgu, la *Nikolayiti*, likufumira kumazgu ghawiri ya Chigiriki: *Nikao* cheneicho chikung’anamura *kuthereska*, ndipo *Lao* cheneicho chikung’anamura *umba*. Nikolayiti chikung’anamura “*kuthereska umba*.” Sono ntchifukwa uli chinthu ichi ntchiheni nthena? Ntchiheni chifukwa Chiuta wandawikizgepo m’pingo Wake m’mawoko ya ulongozgi wakuchita kusankhika weneuwo ukwendezgana na maghanoghano ghandyale. Wali kuwika m’pingo Wake m’kupwelelera kwa wakwimikika na Chiuta, wakuzugika na Mzimu, wanalume awo wakukhara Mmazgu weneawo wakulongozga wanthu kwizira mukuwalyeska Mazgu. Wandapatulire wanthu mumaguru yayi mwakuti wakamubumbi walongozgekenge na usofi utuwa. Mbunenesko kuti ulongozgi ukwenera kuwa utuwa, kweni ntheuraso ndimo ukwenera kuwira m’pingo wose. Mwakulutilira, palije na maro m’Mazgu peneapo m’sofi nesi muphalazgi panji munji uyo ni mwendapakati pa Chiuta na wanthu, palijeso malo apo mbakupatukana muwusopero wawo kwa Fumu. Chiuta wakukhumba wose kuti wamutemwe na kumutewetera Iye pamoza. Chinikolayiti chikughapalanya malemba ayo ndipo m’malo mwakhe chikugawa waphalazgi kufuma ku wanthu na kupanga walongozgi kuwa wakuwusa m’maro mwakuwa wantchito. Sono chisambizgo ichi chikayambika ngati nkhamulimo m’muwiro wakudanga. Chikuwoneka kuti suzgo likagona m’mazgu ghawiri: “madodana” (wa pulezibetere) na “waliska” (walawiliri). Nangauli Malemba ghakulongora kuti muli madodana yanandi mu m’pingo uliwose, wanji wakayamba (Ignatius pakati pawo) kusambizga kuti fundo ya walawiliri njankhongono panji mazaza na muwuso pachanya pa madodana. Sono unenesko wa mphindamusoro ngwa lizgu

lakuti “dodana” likulongora icho munthu wali, penepapo lizgu lakuti “mulawiliri” likulongora udindo wa munthu mweneyuyo. Dodana ni munthu. Ulawiliri ni udindo wa munthu. “Udoda” nyengo zose na nyengo zose mwakuchepa wimilenge ndondomeko ya musinkhu wa munthu mwa Fumu. Iyo nidoda, chifukwa chakuti wasankhika panji kwimikika, navinyake vyantheura yayi, kweni chifukwa chakuti NIDODA. Ngwakumanya chomeni, ngwakusambizgika, nibonda yayi, ngwamagomezgeko chifukwa cha ivyo wendamo ndipo na kuyima nyengo yitali kwa chipanikizgiro chake cha ukhaliro wachi Khristu. Kweni chara, madoda ghakangangamika yayi kumalembo ya Paulosi, kweni m’maro mwake wakaluta kumalembo gha Paulosi ya panyengo iyo wakachemera madoda kufuma ku Efeso kuya ku Miletus mu Milimo 20. Mundima 17 malembo ghakuti, “madoda” yakachemeka ndipo mundima ya 28 wakuchemeka waliska (walawiliri). Ndipo walawiliri awa (kwambura kukayika wa maghanoghano ghandyari ndipo wakulwera nkhangono) wakalimbika kuti Paulosi wakapeleka ching’anamuro kuti “waliska” wakajumphilangapo pa doda leneilo lili na mazaza ghaudindo pa m’pingo wake pera. Kweni kwa iwo sono mulawiliri wakawamwene uyo wakawa na mazaza yakutandazgikira pa chanya pa madoda yanandi ya mazaza yachoko. Ghanaghano ilo likawa la m’Malemba yayi panji nesi mumbiri, kweni ndipouli na munthu wamusinkhu ngati ni Polycarp wakayagamira kwa kumuumbi. Ntheura, chakuchitika icho chikayamba ngati nkhamulimo mumuwiro wakudanga chikapangika kuwa chisambizgo cheneko ndipo ndimo chilili muhanya uno. Walawiliri wachali kujitolera mazaza kuusa wanthu na kuchita nawo umo wakukhumbira, kuwawika pali pose umo iwo wakhumbira mu uteweti. Ichi chikukana ulongozgi wa Mzimu Mutuwa Uwo wakati, “Nipatulirani Ine Paulosi na Baranaba ku ntchito yeneiyo nkhawachemera.” Ichi ntchikana-Mazgu na ntchikana-Khristu. Mateyo 20:25-28, “Kweni Yesu wakawachema iwo kwa Iye, ndipo wakati, Imwe mukumanya kuti mafumu ya Wamitundu yakuwayuzya-yuzga, ndipo wamkuru wawo wakuwachitira mazaza. *Ntheura ndi wakutikuwiringe na imwe chara*; kweni yose uyo wakukhumba kuwa mukuru mwa

imwe, wawenge muteweti winu; ndipo yose uyo wakukhumba kuwa wakudanga mwa imwe, wawenge muzga winu: Ndi umu Mwana wa munthu wakaura kwizira kuteweteleka, kweni kutewetera, na kupeleka umoyo Wake thumba la kuwombola wanandi.” Mateyo 23:8-9, “Kweni imwe mungachemekanga Msambizgi: chifukwa Yumoza ndi Musambizga winu, Khristu; ndipo mose muli wabali. Ndipo mungachemanga munthu kuti wiskemwe pano pasi: chifukwa Yumoza ndi Wiskemwe, Uyo wali ku chanya.”

Mwakuti ichi chipulikikwe chomene, lekani chiNikolayiti nichandulire munthowa iyi. Mukukumbukira kuti Chibvumbuzi 13:3 wakuti, “Ndipo nkhwawona umoza wa mitu ghake ukawa nga ngwakulaskika nga lingafwa: ndipo bamba lake la nyifwa likachizgika: ndipo charu chapasi chose chikazukuma na kuchilondezga chikoko.” Sono ise tikumanya kuti mutu wakupwetekeka ukawa Muwusu wa Chiroma wambura chipurikano, chila charu cha nkhangono zikulu za ndyale. Mutu uwu ukawukaso ngani “Romani Katolika wa muwuso wauzimu.” Sono woneseskani makola ichi. Kasi Roma wandiyare wambura chipurikano wakachitachi icho chikawa lufula lwa kutonda kwake? Iye, “wakagawaniska na kuthesleska.” Iyi ndiyo yikawa njele ya Roma — kugawaniska na kuthesleska. Mino yake ya chisuru yakapalura na kumilitizga. Mweneuyo wakapalura na kumilimitizga wakaukangaso chara nga nipanyengo yila wakapalanya Carthage na kumumija kumuchere. Njele yeneyira ya chisuru yikahalira mwa iyo apo wakauka nga ni m’pingo utesi, ndipo fundo yake yichali yeneyira — kugawaniska na kuthesleska. Icho ndicho Chinikolayiti ndipo Chiuta wakuchitinkha.

Sono iyi nifundo ya kumanyikwa makora chomene mmudaviko kuti apo phuvyo ili likati la khwawira m’mpingo, wanthu wakayamba kukhumba udindo wa ulawiliri ndipo zikapangiska kuti udindo uwu upike ku wanthu weneawo ni nkhwantha za masambiro na wakuvwima mukatundu ndipo wamano ghandiyare. Vinjeru vya unthu na ndondomeko vikayamba kutora maro gha vinjeru vya Uchiuta ndipo Mzimu Mutuwa ukaleka kuwusa. Uwu ukawa uheni ukuru nadi, pakuti

walawiliri wakayamba kukoleska kuti uwo ukakhumbikwanga ukawa Ukhristu wankharu yambura kuvindurana yayi pakuphalazga Mazgu panji mitheto mum'pingo chifukwa ni mitendeko na kayowoyero ivyo vikawa vyakuzilwa. Ichi chikazomelezga wanthu waheni (waskoghi) kupalura m'skambo.

Na chisambizgo chakupangika na munthu chakukwezga walawiliri kuwawika pa maro yambura kuwengerera m'Malemba, ndima yachiwiri yikawa ya kupeleka mazina yakusankhika yeneayo yakapapikika kuwa ndondomeko ya maudindo muchisopo; pakuti panyengo yichoko waka kukawa walawiliri wakulu pachanya pa walawiliri na kadinolo pachanya walawiliri wakulu ndipo pa nyengo ya Boniface wa chitatu pakazakawa papa pachanya pa wose, *Pontifu*.

Uli na chisambizgo cha Chinikolayiti na chitaganya cha Chikhristu na Chibabeloni chakutorapo chikwenera kuwa waka icho Ezekiyeli wakawona mu Chapitara 8:10, "Ntheura nkhanjira nkawona; ndipo para pakusimbika pa chimati zingilizge, pakawa mitundu yose ya vyakukhwawa, na vikoko vyaukazuzi, nawangoza wose wanyumba ya Israeli, wakamatika pa chiliwa zingilidze." Chivumbuzi 18:2, "Ndipo wakakoromoka chomene na lizgu likuru wakati, Babeloni mukuru wawa, wawa, ndipo wazgoka maro yakukharamo mizimu yiheni, na chimphanji cha mzimu yose yaukazuzi, na chimphanji cha chiyuni chose cha ukazuzi na chakutinkhika, pakuti mitundu yose yiri kulowera na ukari wa vinyo la uzaghali wake."

Sono chisambizgo cha Chinikolayiti ichi, dango ili ilo likakhazikiskika mu m'pingo kuti likawawira makora chara wanthu wanandi pakuti iwo wakawazganga kalata ghaweme panji makani gha Mazgu yeneayo yakalembeka na munthu munyake wakopa chiuta. Ntheura m'pingo ukachitachi? Ukasezga wasambizgi walunji na kotcha vizinga vya malemba. Wakati, "Chikutorerera masambiro ghapadera kuti uwazge na kupulikiska Mazgu. Chifukwa nanga ndi Petros nayo wakayowoya kuti vinthu vinandi ivi Paulosi wakalemba vikawa vinonono kuvipulikiska." Pakuti wakapoka Mazgu kufuma kuwanthu, mwaluwiro vikafika pakuti wanthu wakateghelezganga waka icho musofi wakayowoyanga mbwenu,

na kuchita icho wawaphalira iwo. Iwo wakachema izgo Chiuta na Mazgu yake yatuwa. Wakatora maghanoghano namiyoyo ya wanthu na kuwazgora wazga wausofi wathombozgo.

Sono usange mukukhumba chipanikizgo chakuti Mpingo wa Katolika ukukhumbiskiska miyoyo na maghanoghano gha wanthu, teyelezgani waka ku mazgu gha nkhaza gha Theodosius X. *Mazgu gha nkhaza gha kudanga gha Theodosius.*

Makani aya yakatandazgika mwaluwiro wati wababatizika na Mpingo Wakudanga waku Roma. “Ise tawausi watatu tikukhumba kuti awo wakutilondezga wachilimike ku ngangamika kuchisopo cheneicho wakasambizga Mutuwa Petros ku wa Roma, cheneicho sono chikusungika na mudauko na kuphalazgika na m’sofi mukuru, Damasus waku Roma, na Petros, mulawiliri waku Alexandria, mwanalume wautuwa waupositoli na chisambizgo cha Makani ghaweme; tiyeni tigomezge mu Uchiuta wa Chiuta yumoza wa Wadada, na Mwana, na Mzimu Mutuwa, wamazaza yakuyana mu Utuwa Utatu. *Tikulangura kuti walondezgi wa chipulikano ichi wachemeke wa Khristu Wachikatolika; tikuwabatika walondezgi wose wambura mahara wavisopo vinyake na zina liheni lambura kutchuka la vigaluka, na kukanizga weneawo wakuwang’anamura kughanaghanira zina la mipingo.* Padera pa kususkika na urunji wa uchiuta, wakwenera kulindizga chilango chikulu cheneicho wa mazaza withu, pakulongozgeka na vinjeru vyakuchanya wati waghanaghane kuti ntchakwenerera kutombozga. . .”

Marango khumi na yankhonde ya vibaru yeneayo muwusi uyu wakapeleka muvilimika vinandi yakhala yakutindiwizgira pasi ufuru wa waivangeri kuti wachite chisopo chawo, kuwagega mzintchito zose za muboma, na kuwawofya na malipiro ya mulandu, kuyuzgika, kuchutupuskika mucharu ndipo munyengo zinyake na kukomeka uwo.

Mukumanya kasi? Talongozgekera kulazga kunthowa yenyeyo muhanya uno.

M’pingo wa Romani Katolika ukujichema iwo wene kuti Mama m’pingo. Ukujichema iwo wene kuti m’pingo wauwere

panji weneko wakudanga. Uwo mbunenesko fikepo. Ukawa M'pingo weneko Wakudanga wa Roma uwo ukawelera nyuma na kunjira mukwananga. Ukawa wakwamba kuumbana. Mwa iwo mukasangika milimo ndiposo na chisambizgo cha Chinikolayiti. Pali je na yumoza uyo wangakana kuti iyo ni mama. Iyo nimama ndipo wababa wana wasungwana. Mwana mwanakazi wakufuma mu mwanakazi. Mwanakazi wakuvwalikika na munjilira uswesi wakhara pa mapiri yankhonde na yawiri yaku Rome. Nimuzaghari ndipo wababa wana wanakazi. Wana wanakazi awo ni mipingo ya Chigaluka yeneiyo yikafuma mwa iyo na kuweleraso kunjira mukuumbana na Chinikolayiti. Uyu Nyinawo wa mipingo ya wana wanakazi wakuchemeka muzaghari. Uyo ndi mwanakazi mweneuyo wakagomezgeka yayi kuvirapo vya nthengwa yake. Wakatengwa kwa Chiuta ndipo pa masinda pake wakaukako na kunjira kuzaghalika na muheni ndipo muuzaghali wake wababamo wana wanakazi weneawo waliwaka ndende ngandiyo. Chisazga ichi cha mama na mwana wake mwanakazi ntcha kususka Mazgu, ntcha kususka Mzimu ndipo panthazi pake ntchikana-Khristu. Inya, NTCHIKANAKHRISTU.

Sono pambeli nindalutilire mutunda utali nkukhumba kuyowoya kuti awa walawiliri wakudanga wakaghanaghananga kuti wakawa pa chanya pa Mazgu. Wakaphaliranga wanthu kuti wangawagowokera zakwananga zawo malinga mukuulura zakwananga izo. Uwo ukawa unenesko yayi. Wakayamba kubabatiza twabonda muvilimika makhumikhumi vya chiwiri. Iwo wakayamba kuchita ubabatizo wakuchiweramoso. Ntchakuzizwisa chara kuti wanthu wakutimbanizgika muhanya uno. Usange wakawa wakutimbanizgika nyengo yira, pafupi chomene na Pentekoste, sono wali mukawiro kakuthong'athong'a chomene, pakuwanga mutunda wavilimikwa vikwi viwiri kufuma kuunenesko wapa chiyambi.

O, Mpingo wa Chiuta, pali waka chigomezgo chimoza pera. Welerani ku Mazgu na kukhara nayo.



## CHISAMBIZGO CHA BALAAMU

Chivumbuzi 2:14, “Uli nawo weneawo wakukoleska chisambizgo cha Balaamu mweneuyo wakasambizga Balac kuponya chikhuwazgo pamaso pa wana wa Israeli, kurya vinthu vyakuperekeka sembe ku vikozgo, ndiposo kuchita uzaghari.”

Sono mungawa chara na kukhazikiskika kwa Chinikolayiti mum’pingo kwambura kuwa na chisambizgo chinyake ichi kunjilirapo. Mukuona, usange mwauskapo Mazgu ya Chiuta na wende zgano wa muzimu ngani nthowa ya kasopero (“weneawo wakunisopa Ine wakwenera kunisopa Ine mu M’zimu na unenesko”) ipo ukwenera kuwapa wanthu kasopero kauwiri unyake nga ntchakukolererapo, ndipo chakukolererapo chikunjizga uBalaam.

Usange tipulikiskenge icho chisambizgo cha Balaam icho chili mum’pingo wa Chipangano Chipya chingawa chiweme kuwelera kunyuma na kuwona icho chikawa mum’pingo Wachipangano Chakale na kuchiyanska na muwiro wachitatu ula ndipo na kuchitolera munyengo ya sono.

Nkhani yikusangika Mumuwazgo Chapitala 22 kwizira na 25. Sono ise tikumanya kuti Israeli wakawa wakusoreka na Chiuta. Ino wakawa wa Chipentekosite wa muzuwa lawo. Wakatola chiphokwero pasi pa ndopa, wose wakabatizika Munyanja Yiswesi nakuzuwuka kufuma mu maji, wakimba mu M’zimu na kuvina pasi pa nkongono za Mzimu Mutuwa, penepapo Miriam, ntchimi yanakazi, yikalizga chisekese chake. Inya, pakati pajumpha kanyengo mukati mwaulendo, awa wana wa Israyeli wakafika ku Moab. Ka mukukumbukira kuti Moabu akawa njani. Wakawa mwana mwanalume wa Lot kwiziramu yumoza wa wana wanakazi wake na wake, ndipo nayoso Lot wakawa muphwa wa Abraham, nthaura Israeli na Moabu pakawa pa ubale. Nkhukhumba kuti icho muchiwone. Wa Moabu wakamanyanga unenesko, kwari wakawukhara panji yayi.

Nthaura Israeli wakiza mumphaka za Moabu na kutuma mathenga kwa themba kuti, “Tili wabale. Tizomelezgani kujumphamo mucharu chinu. Usange wanthu withu panji viweto vithu vyarya panji kumwa kalikose, tilipireng na

kukondwa.” Kweni themba Balak likayeyeka chomene. Chilongozgi yura wakamuumbi wa Chinikolayiti chila wakakhumba yayi kuzomelezga m’pingo kuti ujumphemo na vianyikwiro na vyakuziziswa vyake ndipo na viwoneskero vyakupambana pambana vya Mzimu Mutuwa, na visko vyawo vyakunyezimira na uchindami wa Chiuta. Kukawa kujitayamo kukuru, pakuti wakate watayenge umba wake ukuru. Ntheura Balak wakakana kuzomerezga Israeli kuti wajumphemo. Fundo njakuti, wakawawopanga chomene iwo, mwakuti wakaluta kuyakahoja ntchimi yakuchemeka Balaam na kuyipempha iyo kuti yimwendere pakati pake na Chiuta na kupempha wa Mankharoyose kuwatamba wa Israeli, ndipo na kuwagulura lusoko. Ndipo Balaam pakuwa wakunozgeka kutora chigawa mundyare na kuzgoka munthu wakuzirwa, wakawa wakukondwa waka chomene kuchita ntheura. Kweni pakuwona kuti wakeneranga kusendererako, nakupoka lango kwa Chiuta kuti wanthu watembeke, pakuti chikawa chakuti wangachita chara pa yekha, wakaluta kwa Chiuta na kupempha usange Iye wanga muzomerezga kuluta. Sono asi icho chikuyana waka na Chinikolayiti icho tili nacho ise muhanya uno? Wakutamba waliyose uyo wakwenda munthowa yawo yayi.

Pala Balaam wakapempha Chiuta chigamuro chakumuzomerezga kuti walute, Chiuta wakamukanira. Mayee icho chikamulasa! Kweni Balak wakasongelezga nipera, kumulayizga njombe zikuru na ntchindi. Ntheura Balaam wakalutaso kwa Chiuta. Sono zgoro limoza kufuma kwa Chiuta likeneranga kukwana. Kweni nkhwa Balaam chara kajichitire wamuzoto. Pala Chiuta wakawona kupuluka kwake, wakamuphalira kuti wauke walute. Mwaluwiroluwiro wakagara mbunda nakufumapo kuluta. Mphanyi wakafikapo kuti uku kukawa kuzomera kwa kajiwonere kwa Chiuta ndipo wakate wawatembenge yayi nanga kuwe kuti walutenge mawulendo makhumi yawiri na kuyezga kwa makhumi yawiri. Uli umo wanthu waliri ngati ni Balaam muhanya uno! Wakugomezga muwa Chiuta watatu naku babatizika mumazina ghatatu mumaro mwa mu ZINA, ndipo uli Chiuta watumenge Mzimu pa iwo ngandi umo wakachitira pa Balaam, ndipo

walutilirenge kugomezga kuti wali makora yene, uku mbachi Balaam fikepo. Wonani, chisambizgo cha Balaam. Lutilirani nthaura pera. Chitirani munthowa yinu. Wakati, “Vilimakora, Chiuta watitumbika ise. Ukwenera kuwa unesko.” Nkhumanya Iye wamutumbikani. Nkhukana chara icho. Kweni ninthowa yenyira pera yakamuumbi yira Balaam wakatora. Nkhwelura ku Mazgu gha Chiuta. Ntchisambizgo chautesi.

Ntheura Balaam wakaluta muhetyuhetyu kukhira munthowa wakasuka mungero wakufuma kwa Chiuta wakayimilira munthowa yake. Kweni ntchimi yira (mulawiliri, wakopeka, wakamupandu, fumu na mulawiliri wachisanisani) wakabulumutizgika chomene kuvinthu Vyauzimu na ghanoghano la ntchindi na uchindami na ndarama mwakuti wakamuwonanga yayi mungero mweneuyo wakayimilira na lupanga lwakhe muchanya. Wakayima para kujanda ntchimi yakuzempha. Mbunda muchoko yura wakamuwona nakuwelera chifutanyuma nakuwa ngati walutengeso kunthazi wasuka wanyindilizgira lundi la Balaam kuchigumati paumaliro. Mbunda wakayimilira ndipo wakatondeka kulutilira. Wakatondeka. Ntheura Balaam wakadukapo nakuyamba kumutimba. Penepapo mbunda wakayamba kuyowoya kwa Balaam. Chiuta wakazomelezga kuti mbunda yura wayowoye mululimi. Mbunda yura wakawa wachisazga yayi; wakawa mbuto yapakudanga. Wakati kwa ntchimi yakabulumutizgika, “Kasi ine ndili Mbunda winu yayi, ndipo namuyeghani mwamagomezgeko yayi?” Balaam wakazgora, “Enya, enya, uli Mbunda wane ndipo waniyegha mwamagomezgeko kufikira sono; Ndipo usange uniyendeskenge yayi, nikukomenge... mbaya mwe! ntchichi ichi, kuyowoskana na mbunda? Nimutindiko uwu, naghanaghananga kuti nkhopulika Mbunda wakuyowoya ndipo nangumuzgora.”

Chiuta nyengo zose wakuyowoya mululimi. Wakayowoya pa chiphikiro cha Belshazzar na pa Pentekosite. Muhanya uno wakuchitaso nthaura. Nitchenjezgo ya njeruzgo iyo yikwiza nakupusumpha.

Penepapo mungero wakamuwonekera Balaam.  
Wakamuphalira Balaam kuti wanguwera wangufwa

kuwevyenge mbunda uyu ata sono chifukwa chakuyezga Chiuta. Kweni apo Balaamu wakalaizga kuti wawelekoso, wakatumika pamoza na ntchenjezgo kuti wayowoye cheneicho Chiuta wakamupa.

Ntheura Balaam wakaluta kuyakimika wakavuma wankhonde na wawiri wavikoko vyambula kalema vyasembe. Wakakoma mwanamberere kurongola kwiza kwa Mesaya. Wakamanyanga chakuchita pakusendelera kwa Chiuta. Wakawa na vyakwenelela vyose makora yene; kweni wakaweveye chipa nkhongono; ngandumo vilili sono. Mukuchiona yayi ichi, Chinikolayiti? Mukawa Israyeli mudambo mura, wakupelekanga sembe yanthena yeneiyi, kuchita vinthu vyakuyana waka, kweni yumoza pera wakawa na vimanyikwiro vyakawalondezga. Wamoza pera wakawa na Chiuta pakati pawo. Uwiro ungamutolerani kulikose yayi. Ungatora chara maro ya vimanyikwiro Vyamzimu. Icho ndicho chikachitika pa Nicaea. Wakawikapo chisambizgo cha Balaam, chisambizgo cha Chiuta cha. Ndipo wakakhuwara; okwe wakawa. Wakazgoka wanthu wakufwa.

Sembe yikati yachitika, Balaam wakanoka kuti wachime. Kweni Chiuta wakakaka lulimi lwake ndipo wakatondeka kuwatamba. Wakawatumbika.

Balak wakakwiya chomene, kweni pakaweveye icho Balaam waketenge wachitenge na uchimi. Chikayowoyeka na Mzimu Mutuwa. Ntheura Balak wakaphalira Balaam kuti wakhilire, kudambo, nakukalawiska pa miwongo yawo usange pangawa mupata wakuti wangawatembera. Ndyari izo Balak wakagwiliska ntchito ndizo wakugwiliska ntchito muhanya uno. Mipingo yikuru yikulawiska pa tumaumba tuchoko, ndipo chilichose icho wangesangapo pakati pawo icho wanganangira po mbiri wakuchifumiska nakuchiphalazga. Usange wanthu wasono wakukhara mukwananga, palive nayumoza wakuyowoyapo za cheneichi; kweni muwone usange yumoza wawakusoleka wawa musuzgo ndikuti pepara lililose likuchinyinthizga charu chose zingilizge. Enya, Israeli wakawa na vigawa vyamnyuma (vyathupi). Wakawa na vigawa vyawo vyambura- malumbiko; kweni padera pakuwura kukhanukaka

vyanthondeka zawo, kwakulingana na ulato wa Chiuta wenuwo ukugwira ntchito kwiziramuchisora, mwauchizi na milimo chara, WAKAWANGA NA BINGU NA MUHANYA NA MUZATI WA MOTO NA USIKU, WAKAWA NA LIBWE LAKUTIMBIKA, NJOKA YA MUKUWA NA VIMANYIKWIRO NA VYAKUZIZISWA. Wakarongoleka — mwa iwo wekha yayi, kweni mwa Chiuta.

Chiuta wakawa nawo na ntchindi yiliyose yayi wara Wachinikolayiti nama PHD, LLD nama DD na maungano wawo wa weme ndipo na viweme ivyo munthu wangajikuzgira; kweni Iye wakachitira Israeli ntchindi pakuti wakawa na Mazgu yakukhozgeka pakati pawo. Unenesko ngwakuti Israeli wakawonekanga viwi makora yayi, pakuwa kuti wakafuma waka mu Eguputo mwaluwiroluwiro, kweni wakawa wanthu wakatumbikika nipera. Icho wakamanyapo pera muvilimika makhumi khumi yatatu kukawa kuryeska viweto, kupwelelera minda nakuchita ntchito za uzazga muwofi wayifwa pasi pawa Eguputo. Kweni wakamasuka sono. Wakawa wanthu wakatumbikika kwizira mukumphanda pa wakha Wachiuta. Unenesko Moab wakalawiskanga pa iwo. Mafuko yanyake nayo yose nthaura, pera. Kamubumbi nyengozose wakulawiska pa awo wandaumbane, mwakuti panji, nakuchilimika, wawanga wandaumbaniskike para apo chara wawapalanye pala wakukana kwiza.

Sono munyake wanganifumba ine, “M’bale Branham, ntchichi icho chikupangiska iwe kughanaghana kuti Moab wakawa chimango kweni Israeli yayi? Fundo iyo ukuyitora kochi?” Nkhuyitora mwenemumu mu Baiboro. Vyose kusimikizgilika mwenemumu. Vyose vyeneivyo vilikulembeka mu Chipangano Chikolowere mukawiro kameronje vilikulembekera kuwa ntchenjezgo yithu mwakuti tisambireko kuyene ivyo. Ivi vili mu Mawazgo 23:9, “Kufuma pachanya pa malibwe nkhumuwona iyo, ndipo kufuma pa mapiri namuwona; aheni wanthu wati wakharenge WEKHA, ndipo WAKUMBUKIKANGESO CHARA PAKATI PA MAFUKO.” Icho apo. Chiuta wakulawiska kufuma pachanya pa malibwe, muchidika yayi kulawiska pa viheni vyawo nakuwasuska iwo.

Chiuta wakuwawona umo wakakhumbiranga kuwawonera iwo – kufuma pa chituntha cha chitemwa na lusungu. Wakakharanga WEKHA ndipo wakaumbana yayi. Wakaweveye themba. Wakawa na ntchimi, ndipo ntchimi yikawa na Chiuta mukati mwake mwa Mzimu ndipo Mazgu yakizanga kwa ntchimi ndipo Mazgu yakalutanga kuwanthu. Wakajibamphikizga chala ku U.N. Wakajibamphikizga Kumphara ya Mipingo ya Charu chose yayi, ku wa Bapatisti, Puresibetere, Asembule wa Chiuta nesi umba uliwise yayi. Wakakhumba kujibamphikizga yayi. Wakademelera kwa Chiuta. Wakakhumbanga lango kufuma kumphara yiliyose – wakawa na “Ntheura Fumu yikuti” pakati pawo. Halleluya!

Sono padera pafundo yakuti Balaam wakamanyanga malutiro ghakwenerera kwa Chiuta nakwiza na uvumbuzi kufuma kwa Fumu kwizira munkhongono ya padera iyo wakavwalikika pa vyose ivyo, wakawa nipera, muliska mu umba wa utesi. Pakuti wakachitachi sono kuti wasange chithemwa na Balaam? Wakapanga ndondomeko yeneiyo yikatenge yichichizgenge Chiuta kuti waphizge wana wa Israeli muyifwa. Ngandumo Satana wakamanyira kuti Eva wangamunanga (kumuchitiska iyo kuti wawe mukwananga kwathupi) mwakuti Chiuta walangure chigamuro chanyifwa mwakwimikana na kwananga, ntheura Balaam wakamanya kuti usange wangapangiska Israeli kwananga, Chiuta wachitenge nawo kufikira munyifwa. Sono wakapanga nthowa yakuti wizire nakusangana nawo mukwananga. Wakatuma lumemo kuti wize kuchiphikiro chaku Baalpeor (zaninge kuno muzakasope nase). Sono Israeli, kwambura kukayika, wakawonanga vipikiro vyawa Eguputo ntheura wakawona kuti ntchiheni chomene yayi pakunji kukalawilira nakurya na wanthu. (Uheni wakupemphera ntchichi munthowa yiliyose? Tikwenera kuwatemwa iwo, ndimo tilili yayi wati, pakunji tingawahoja uli iwo?) Tiwe wakubwezikana na waliyose tileke kukhuwazga – ndimo wakaghanaghanira. Kweni para wara wanakazi wachi Moabu wachikoka na chilyoko cha uhule wakayamba kuvina na kuvura uku wakuzingilira nakaviniro kawo kakuwa na kugadabuka, kukhumbira kukawuka mwa

Israeli ndipo wakanjira mukuhula, ndipo Chiuta muwukari wakakomapo wanthu vikwi makhumi pera ghanayi pachanya vikwi vitatu vya iwo.

Ndipo ichi ndicho Costantine na wahaliri wake wakachita pa Nicaea na pamasinda pa Nicaea. Wakamema wanthu wa Chiuta kuwungano. Ndipo mpingo ukati wakhara pasi kuti urye, nakuwuka kuti uzgare (kusangana na muthetho wa mpingo, vikondweleri na viphikiro vyakuwura umanyi wachiuta vyakuthyika na mazina gha midauko ya Chikhristu), ukawa muchipingo; ukachita uzaghari. Ndipo Chiuta wakafumamo.

Para munthu waliyose wachinthukako ku Mazgu ya Chiuta na kujibamphikizga ku mpingo mumaro mwakupokera Mzimu Mutuwa, munthu uyo wafwa. Wakufwa! Ichi ndicho wali. Kunjira mpingo yayi. Kunjira mukamubumbi yayi nakutoleka na visambizgo vyawanthu na maluso panji chilichose cheneicho chikutora maro gha Mazgu na Muzimu, ndiku wafwa. Vyose ndikutu vyamara. Wafwa. Wapatukako kwa Chiuta Muyirayira!

Icho ndicho chakhara chikuchitika mumuwiro uliwose kwamba kale. Chiuta wakuwombora wanthu. Wakufuma kwizira mundopa, kutuwiskika na Mazgu, wakwenda mu maji ya ubabatizo nakuzuzgika na Mzimu; kweni pala pajumpha nyengo yichoko waka chitemwa chakudanga chikuzizima mbwenu munyake watora fundo yakuti wakwenera kuti waumbane mwakuti wakhallilire nakujipangira zina ndipo wakajiungiska iwo wekha mumugonezi wachiwiri pakunji kumanyumako. Waliye sono Muzimu wa Chiuta, niluso waka lwa kasopero. Mbakufwa. Wajizgora chisazga iwo wene na visambizgo vyakujizengera wanthu na kawonekero ndipo mulije umoyo mwa iwo.

Ntheura Balaam wakachitiska Israeli uzaghali. Mukumanya kuti uzaghari wakuthupi ni muzimu wenuwo pera uwo uli muchisopo chakaunganya? Nkhuyowoya kuti muzimu wa uzaghari ni muzimu wakujiunganya. Ndipo wose wazaghari wakuwa na maro yawo munyanja ya moto. Ichi ndicho Chiuta wakughanaghanira vimango. Enya bwana, muzaghari na wana wanakazi wake wazamunjira munyanja ya moto.

Matchalitchi ya wanthu nja Chiuta yayi. Yindawepo ndipo yizamuwapo yayi. Nimuzimu uheni weneuwo ukugawa wanthu wa Chiuta mumaudindo ya chisopo na wanthu waka; nakuti ipo, ntheura, nimuzimu uheni weneuwo ukupatura wanthu kufuma kuwanthu. Icho ndicho vimango na mpingo vikuchita. Wa vimango wakujipatura iwo wene kufuma ku Mazgu gha Chiuta, nakujinjizga iwowene muchigoloro chاوزimu.

Sono manyani kuti Constantine wakapeleka vipihikiro vyapadera kuwanthu. Vikawa vipihikiro vyamwenejuzi vyambura chipulikano na mazina ghapyo yakufuma mumpingo, pakunji muvinthu vinyake mitheto ya Chikhristu yikatorekanga nakuyisinjuzga na vikondwerero vya kuwaro kwa chipulikano. Wakatora chisopo cha chiuta wa zuwa nakuchisinthira mu Mwana wa Chiuta. Mmaloko mokondwelerapa Disembala 21, icho ndicho iwo wakakondweleranga chipihikiro cha chiuta wa zuwa, nakawika mpaka Disembala wa 25 nakuthya icho kubabikwa kwa Mwana cha Chiuta. Kweni ise tikumanya kuti Iye wakababika mu Epuleru nyengo iyo moyo ukusundira, mu Disembala yayi. Ndipo wakatora chipihikiro kwa Astarte nakuchichema kuti chikondweleroko cha Isitala pene apo Wakhristu wakwenera kukondwera yifwa na chiuka cha Fumu. Fundo njakuti chikawa chipihikiro chakuwaro kwa chiuta kwa Astarte.

Wakawika wakavuma mum'pingo. Wakawikamo vikozgo. Wakapeleka kuwanthu cheneicho wakachema kuti chisambizgo chakupangika na wapositire, nangauli mungachisanga yayi mu Baibolo. Wakasambizganga wanthu chisopo cha wasekuru wawo nakupanga Mpingo wa Roma Katolika kuwa musopa viwanda mukuru chomene charu chose chapasi. Chiyuni chilichonse chanthontho chikawa muchitupa icho. Ndipo muli na Wamapatuko na wa chimango nawo uchiro weneuwu umoza pera.

*Wakarya vinthu vyakupika sembe kuvikozgo.* Sono nkhuoyoya kuti ichi chikung'anamura nadi kuti wakaryanga nkhanira nyama yakupelekeka sembe kuvikozgo yayi. Pakuti nangauli mphara yaku Yerusalemu yikayowoya kususkana navyo vyantheura, Paulosi kuti wakachinyinthizgapo chomene chara



ngandiumo wakayowoyera kuti vikozgo nvyawaka. Chikawa waka chifukwa cha njuyi chomene peneapo chikakuhwazganga mubale wakutomboloka nakuti penepapo chikazomerezgekanga yayi. Mwakutilira, Uvumbuzi uwu ukuchita na Wamitundu na Wayuda yayi chifukwa iyi nimipingo ya Wamitundu. Nkhuwona ichi muwungweru wenuwo pera wenuwo nkhuwonera Mmazgu gha Fumu, “Pekhapekha murye thupi Lane nakumwa ndopa Zane padera apo mulije umoyo mwaku imwe. Munthu wakhalenge wamoyo na chingwa pera chara kweni lizgu lilironse leneilo likufuma mumulomo wa Chiuta.” Mungawona kuti kurya nkhtorako chigawa mukapulikiskiro ka uzimu. Sono apo wanthu awa wakajikamiranga vikodzo, kukozga njasku, nakuchita chipumulo cha kuwalo kwa mazgu kuwulura zakwananga zawo kuwanthu (vyose vyeneivyo nvyu chisopo cha muheni), wakawa wokusangana na muheni na Fumu yayi. Wakawa mukusopa vikozgo kwari wakazgomeranga panji yayi. Wangayowoya vyose ivyo wakukhumba kuti wakavuwa na sunkhizgo lakununkhira nivyakuwa kumbuska waka iwo za marurombo gha fumu pakunji navyose ivyo wakughanaghana kuti vikung’anamura; ndipo wangayowoya kuti para wakupemphera pambeli za chikozgo ntchifukwa waka chantchinyinthizgo; ndipo usange wakuwulura ku msofi, mumtima yawo nadidi wakuchitira kwa Chiuta, ndipo pala wakuti musofi wakuwagowokera, ntchifukwa waka chakuti wakuchitira mu zina la Fumu, wangayowoya icho wakukhumba kweni, iwo wakturako chigawa mu chisopo chakumanyikwa cha Babulo na satana ndipo wajibamphikizga iwowene kuvikozgo nakuchita uzaghari wa uzimu, wenuwo ukung’anamura nyifwa. Mbakufwa.

Ntheura mpingo na charu vikakwatiska. Mpingo ukanjira kuvikozgo. Nankhongono ya charu pa masinda yawo wakawona kuti sono, “Ufumu wiza ndipo khumbiro la Chiuta la khozgeka pa charu.” Ndiko kwambura kuzizwa Mpingo wa Romani Katolika ukulawiska paza kwizaso kwa Fumu Yesu yayi. Wakugomezga yayi za vilimika chikwi. Wana vyilimika vyawo chikwi penepano. Papa ndiyo wakuwusa kwasono nakuti Chiuta wakuwusa mwa iyo. Ntheura pala Iyo wafika, kwakulingana na iwo, pakwenera kuzakawa pala machanya

ghapya na charu vyapatukana. Kweni wakunangiska. Kuti papa nilongozgi wa mpingo utesi, ndipo kuzamukuwa vilimika chikwi, kweni apo icho chichali kulutilira iyo wawenge mwaicho yayi. Wawenge kumaro ghanyake.

## NTCHENJEZGO

Chivumbuzi 2:16, “Ng’anamuka muzire mukwizire luwiro, ndipo ndizamukurwa nawo na lupanga lwa mlomo Wane.”

Iye wangayowoyaso vichi? Ka Chiuta wangazengeleza kwananga kwa weneawo wakuyegha Zina Lake pambura chanduro? Pali waka nthowa yimoza pera yakupokerela uchizi muora la kwananga, NG’ANAMUKA. Zomera kuti wananga. Zanga kwa Chiuta kuti wakugowokera nakuti uwe na Muzimu wa Chiuta. Ili ni languro kufuma kwa Chiuta. Kuwura kupulikira ninyifwa, pakuti Iye wakuti, “Nilwenge nawe nkhondo na lupanga lwa mu mlomo Wane.” Chikoko wakapanga nkhondo na watuwa, kweni Chiuta wazamkulwa nkhondo na chikoko. Weneawo wakalwa na Mazgu zuwa limoza wazamusanga kuti Mazgu ghakulwa nawo. Chinthu chiheni chomene kuwuskako panji kusazgirako ku Mazgu gha Chiuta. Chifukwa weneawo wakaghasintha, nakuchita nayo kwakulingana na umo yakawayanira, umaliro wawo uzamuwa uli kweni nyifwa na phalamiko? Kweni ndipouli uchizi wa Chiuta ukuchemereza nipa, “Ng’anamuka.” O, ngaweme uli maghanoghano ya ching’anamuka. Nilije, kakwiza nako mawoko ghane, mwakujiyuyula ku mphinjika Yinu nkhudemelera. Nkhwiza navitima vyane. Nkhulapa kuti nili icho nili, na ivyo nachita. Sono nindopa, palijeso chinyake kweni ndopa za Yesu. Chizamukuwa chivichi? Ching’anamuka, panji lupanga lwa nyifwa? Chili kwa iwe.

(Kung’anamulika mu Chitumbuka mu 2004.)

CHITUMBUKA

©2004 VGR, ALL RIGHTS RESERVED

VOICE OF GOD RECORDINGS

P.O. BOX 950, Jeffersonville, Indiana 47131 U.S.A.

[www.branham.org](http://www.branham.org)

## Chimanyisko chakukopera

Wanangwa wose ngwakuvikiririka. Buku ili lingamanya kudindika pa chakudindira cha kunyumba kuwa lakugwiriskira ntchito imwe panji kuti liperekeke, kwaulere kwambura mtengo, nga ndi lakugwiriskira ntchito kutandazgira Ivangeli la Yesu Khristu. Buku ili nthu lingaguriskika, kupangikaso mu unandi, kutumizgika pa website, kusungika umo tingazakalisangiraso, kutanthauzika mu viyowoyero vinyakhe, panji kuligwiriska ntchito pa kupempeskera ndalama kwambura kalata yakulembeka kuzomerezgeka na Voice Of God Recordings®.

Kuti mumanye vinandi panji kusanga katundu munyakhe uyo waliko, chonde fumbani:

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)